

■ GLOSSA

Regl da raffar

DA SILVIO CAMENISCH

Il regl da raffar bulieus da sturn va en la proxima runda en noss guauds lunsch enturn. Landauf landab, sco nus schain. La FBI da bulieus ensemen cun l'uffizi da chatscha èn sin post sin il Pass dal Lucmagn. Ins ferma subit finadin cun tavla dal numer taliana u tessinaisa ch'emprova da mitschar sur il pass cun auto stagnà plain. Novanta kilos per persuna èn nagina rarità! Ins sa che quels raffabulieus han quest cromosom boletus malign dominant, indigens na san nunpusaivel avair in tal, pertge vegn jau insumma sin quest patratg absurd, malsaun?

Jau oriund Sursilvan na turn mai senza bulieus a chasa, dapi almain tschuncanta onns che jau vom. Avant che turnar cun mauns vids, cumprass jau novanta kilos mellens en nossas stizuns da chadainas da discont! Mia dunna ferma ma faschess subit il process. Jau na sun mai vegnì tschiffà endretg da las controllas. Ins sa schon nua ch'ins dastga intercurre, nua betg, vul ins ristgar da passar en l'ustaria Alpina tar ina biera. Il schuss giess garantì davos or, gliez è segir! Als raffabulieus fer-



mads sin il pass prendan els or il dadens sco ad ina tschierva. Und werden fündig! sco nus schain sin bun rumantsch.

Ussa fai quint, aveva in u l'auter u outra bain zuppà bulieus mellens sco nus prendain er en las diversas rusnas dal corp. La FBI da bulieus locala n'è betg tuppà. Lezza fa in super job. Nagin sa smirveglià vairamain che gist dus premis da renconuschientscha van quella giada a la polizia da bulieus. Chapeau. Distincziuns dublas, u pertge betg traidublas, fan senn, suttastritgeschan'las anc pli crass la detschartadad da metter fin a la surexplotaziun da bulieus da talians e tessinai. U vesais Vus quai auter, dunna mainafatschenta per la natira e l'ambient?

U schè ditg che la polizia da bulieus intercurescha ils laders Hotzenplotz sin il Pass dal Lucmagn, intercurescha ella betg ils noss, da vart da la claustra! Mo cun quels che jau sun turnà a chasa, pudess ins emplenir entirs trens da lenna da tschintg kilometers per la resgia gronda. En mia chasa paterna avess jau surchombras e tschalers plain bulieus sch'ins gist controllass. Ma qua sun jau mez il retg! Tschenta nagin en vivses pe. Mes possess e regress.

Indigens sa retirads en la Bassa per motivs economics turnan adina puspè gugent ensi per bulieus. Be dus kilos e mez per persuna è da rir, sch'ins fa schon la bregia. Sch'ins fa schon la bregia, vul ins er turnar engiu cun in pauet bulieus per ina tschaina tranter amis. I na sa betg esser ch'ins vegn retegni ed intercurì manidlamain avant ils tunnels u sin pli tard giu en la chapitala d'uestg e da las Alps, cun praschun istorica stagnada plain esters da l'ost. Sin il pass, là duain ins pir prender dapart ils Tessinai e stgarpar dapart ils tgils, tut pussaivel ch'i vegniss nanavant gummis plains sco da curt tar Paris Hilton vaginal. Sind liab zuanand!